

आकाशवाणी

1. प्रधानमंत्री नरेन्द्र मोदी होरें सबनैं सियासी पार्टिएं गी अपील कीती ऐ जे ओह संसद ते राज्यें दिएं विधानसभाएं च महिलाएं लेई 33 फीसद आरक्षण जकीनी बनाने च अपना जोगदान देन।
2. प्रधानमंत्री होरें गरीब ते दरम्याने दर्जे दे परोआरें दे विद्यार्थियों गी मुकाबलेबाजी आहले बक्ख-बक्ख म्तेहानें गितै मुफ्त ऑनलाइन कोचिंग देने दा ऐलान कीता ऐ।
3. पैहली बारी आयोजित 'सूर्यपथ तिरंगा ग्लोबल रिले' दा कल समापन होई गेआ। एह पूर्व च फिजी थमां शुरू होइयै पच्छिम च अमरीका तगर कुल 54एं मुल्खें चा होइयै लंग्घी।
4. प्रतक्ख टैक्सें सरबंधी केंद्री बोर्ड ने बदेशी संपत्तियें कन्नै जुड़े दे निक्के करदाताएं लेई बदेशी संपत्तिएं दी घोशाएं मतल्लक योजना आहले नियम, 2026 अधिसूचित कीते न।
5. शतरंज च दुनिया दे पैहले नम्बरै दे खड्गारी मैग्नस कार्लसन ने लगातार दुई बारी ई-स्पोर्ट्स वर्ल्ड कप दा खताब अपने नांs करी लैता ऐ।

PM-Women Res.

प्रधानमंत्री नरेंद्र मोदी हों सबन सियासी पार्टिं गी अपील कीती ऐ जे संसद ते राज्यें दिं विधानसभां च महिलां लेई आरक्षण लागू करने दे मुद्दे गी सियासी लड़ाई नेई बनाया जा। 80में स्वतंत्रता दिवस दे मौके पर लाल किले दी प्राचीर परा राष्ट्र गी संबोधित करदे होई प्रधानमंत्री हों आह्वान कीता जे सब्बे दल अग्रे औन ते महिलां गी सम्मान दिदे होई लोकसभा ते राज्यें दिं विधानसभां च महिलां गी तौले शा तौले 33 फीसद आरक्षण मिलै। प्रधानमंत्री हों आखेआ जे देसै दिं नीतिं गी आकार देने च महिलां दी भूमिका महत्वपूर्ण ऐ ते उ'नेंगी एहदे च बरोबर दा मौका दिता जाना लोड़चदा ऐ।

<><><><><><>

PM Free Coaching

प्रधानमंत्री नरेंद्र मोदी हों गरीबें ते दरम्याने दर्जे दे परोआरें दे विद्यार्थियें लेई मुफ्त ऑनलाइन कोचिंग दा ऐलान कीता ऐ। कल आजादी आहले ध्याड़े पर राष्ट्र दे नांs अपने संबोधन च प्रधानमंत्री हों आखेआ जे इस पैहल दा मकसद मुकाबलेबाजी आहले म्तेहानें दी तैयारी करा'रदे विद्यार्थियें पर आर्थिक बोझ घट्ट करना ऐ। उ'नें आखेआ जे देशै दे आला दर्जे दे अध्यापक सबन लेई गुणवत्तापूर्ण शिक्षा गी सौकखा बनाने च महत्वै आहली भूमिका निभाडन। प्रधानमंत्री हों आखेआ जे इस गँह कन्नै मझाटले तबके दे परोआरें दे जहारां करोड़ रपे कोचिंग पर खर्च होने थमां बची जाडन। प्रधानमंत्री हों आखेआ जे

सरकार ने अगले इक बर्रे च इक करोड़ नौजवानें गी एआई स्किलिंग दी सिखलाई देने दा फैसला लैता ऐ। उ'नें आखेआ जे एहदे'नै साढ़े नौजवान, आलमी सतह उप्पर एआई दे खेत्तर च भारत दी अगुवाई करने च सक्षम होडन। प्रधानमंत्री होरें आखेआ जे देशै गी 3 खास गल्लें - लागत, गुणवत्ता ते कौशल बक्खी चेचा ध्यान देना होग। उ'नें आखेआ जे 5 शा 15एं बरें दी बरेसू दे बच्चें च प्रतिभा दी पन्छान करने ताईं गांएं, शैहरें ते स्कूलें च बशेश अभियान शुरू कीता जाहग। उ'नें आखेआ जे बच्चें दी खेड्ठ प्रतिभा गी पन्छानियै उ'नेंगी बशेश सखलाई दित्ता जाहग, तांजे ओह् देसै लेई खरे खड्ढारी बनी सकन। प्रधानमंत्री होरें आखेआ जे अज्ज भारत खेड्ठे दी दुनिया च अपनी मजबूत पन्छान बना'रदा ऐ। उ'नें दस्सेआ जे बर्रे 2030 च भारत राश्ट्रमंडल खेड्ठे दी मेजबानी करग।

<><><><><><>

Suryapath

पैहली बारी आयोजित सूर्यपथ तिरंगा ग्लोबल रिले दा कल समापन होई गेआ। एह रिले पूरब च फिजी थमां शुरू होइयै पच्छिम च अमरीका धोड़ी कुल 54 मुल्खें ते केइएं इलाके थमां होइयै लंग्धा। बदेश मंत्रालय मूजब एह पैहल हर घर तिरंगा अभियान दे तैहत आयोजित कीती गई ही। फिजी च स्थित भारत दे राजदूती दफ्तरै थमां शुरू होई दी इसा रिले च इक सूर्योदय थमां अगले सूर्योत्तर

तगर तिरंगे दा संदेश दुनिया भरै च पजाया गेआ। रिले दा समापन सैन फ्रांसिको च स्थित भारत दे सफारतखाने च तिरंगा फैहाने दे कन्नै होआ।

<><><><><><>

Vajpayee D. Anniv.

राश्ट्र अज्ज साबका प्रधानमंत्री अटल बिहारी बाजपेयी हुं'दी पुण्यतिथि पर उ'नेंगी श्रद्धांजलि अर्पित करा'रदा ऐ। भारती जनता पार्टी दे वरिष्ठ नेता ते साबका प्रधानमंत्री बाजपेयी हुं'दा 2018 च अज्जे दे गै दिन काल होआ हा। ओह कुल 3 बारी देसै दे प्रधानमंत्री रेह। ब'रे 2015 च उ'नेंगी देसै दे सर्वोच्च नागरिक सम्मान 'भारत रत्न' कन्नै सम्मानित कीता गेआ। राष्ट्रपति द्रौपदी मुर्मू, प्रधानमंत्री नरेंद्र मोदी, गृह मंत्री अमित शाह, लोकसभा अध्यक्ष ओम बिरला ते होरनें बी केइएँ नेताएं बाजपेयी हुं'दी पुण्यतीथि पर उ'नेंगी श्रद्धांजलि अर्पित कीती ऐ।

<><><><><><>

CBDT Fast DS Rule

प्रतक्ख टैक्सें सरबंधी केंद्री बोर्ड ने बदेशी संपत्तियें कन्नै जुड़े दे निक्के करदाताएं लेई बदेशी संपत्तिएं दी घोशाएं मतल्लक योजना आहले नियम, 2026 अधिसूचित कीते न। एह योजना अज्जै थमां लागू होआ'रदी ऐ। इस योजना दे तैहत योग्य निक्के करदाताएं गी अपनी बदेशी संपत्तियें कन्नै जुड़ी दी जानकारी घोशत करने दा मौका मिलग। एहदे लेई घोशणा दाखल करने दी खीरी तरीक

31 दिसंबर 2026 तय कीती गई ऐ। इस तरीक दे बाद कोई बी घोशणा पत्र दाखल नई कीता जाई सकग।

<><><><><><>

Shah-Rajasthan

केंद्री गृह ते सहकारिता मंत्री अमित शाह अज्ज राजस्थान दे अलवर दे दौरे पर रौहडन ते इस दरान ओह अलवर सरस डेयरी परिसर च नमें डेयरी प्लांट दा नीह पत्थर रक्खडन। शाह होर राजस्थान दे 17एं जिलें च 6 जहार 262 करोड़ रुपें दी विकास परियोजनाएं दा इलैक्ट्रानिक तरीके कन्नै उद्घाटन करडन ते केइएं दे नीह पत्थर बी रक्खडन। रोजगार उत्सव दे तैहत 10 जहार 500 शा मते नमें भर्ती कर्मचारियें गी नियुक्ति पत्र बी दिते जाडन। श्री शाह नमें केंद्री सहकारी बैंकें दे गठन दी घोशणा करडन ते बक्ख-बक्ख कल्याणकारी योजनाएं दे लाभार्थियें दे बैंक खातें च डीबीटी दे राहें रकम सिद्धे मुंतकिल बी करडन। इंदे च प्रधानमंत्री फसल बीमा योजना ते प्रधानमंत्री किसान सम्मान निधि दे लाभार्थी बी शामिल न।

<><><><><><>

CM-POJK

जम्मू-कश्मीर दे मुखमंत्री उमर अब्दुल्ला होरें आखेआ जे जम्मू कश्मीर दे लीडरें दा 80 बःरें पैहले लैते गेदा फैसला सेई हा, उनें उस दरान दिती गेदी शहादतें गी चेता कीता। मुखमंत्री होरें एह गल्ल जंदे रोज श्रीनगर च स्वतंत्रता

दिवस दे मौके पर अपने संबोधन दरान आकखी। कब्जा रेखा दे पारै दे हालात दा जिक्र करदे होई उनें आखेआ जे उत्थूं दे लोकें दी माड़ी हालत दिक्खियै उ' नेंगी दर्द ते परेशानी होंदी ऐ। उनें मेद जताई जे पाकिस्तान दे नजैज कब्जे आहले जम्मू-कश्मीर दे लोक परतियै भारत कन्नै शामिल होना चाहडन। मुखमंत्री होरें आखेआ जे ओह इलाका जम्मू-कश्मीर दा ऐ ते उत्थुआं दे लोक स्हाड़े अपने न। उनें लोकतंत्र ते संघवाद गी भारत दियां दऊं बड़ियां ताकतां दस्सेआ ते हर हाल च दौनें गी बचाने ते मजबूत करने दी जरूरत पर बल पाया।

<><><><><><>

Hideout

सुरक्षाबलें पुंछ जिले दे बफलियाज इलाके च आतंकियें दी इक छप्पने आहली थाहै दा पता लाइयै हथियार, गोला-बरूद ते विस्फोटक सामग्री दा जखीरा बरामद कीता ऐ। आकाशवाणी दे जम्मू संवाददाता नै दस्सेआ जे पुलिस मूजब थहोई दी इक टकोहदी सूह पर कार्रवाई करदे होई 16 राश्ट्री राइफलस ते जम्मू-कश्मीर पुलिस दे स्पेशल आपरेशन ग्रुप एस.ओ.जी दी इक सांझी टीमै इलाके च इक्क तपाशी अभियान रम्भ कीता, जिस दरान सुरक्षाबलें इक गमला-नुमा आई.ई.डी, इक गूल नुमा आई.ई.डी, चार लौहकियां आई.ई.डी, इक लौहका मोटरोला सेट, इक ए.के-47 रफल ते 7 रौंद सने गोला-बरूद बरामद कीता ऐ।

<><><><><><>

Chess

शतरंज च दुनिया दे पैहले नम्बरै दे खड्गारी मैग्नस कार्लसन होरें लगातार दुई बारी ई-स्पोर्ट्स वलर्ड कप दा खिताब अपने नांस करी लैता ऐ। फ्रांस दे पेरिस च खेड्ढे गेदे फाइनल च कार्लसन नै बेलारूस दे ग्रैंडमास्टर डेनिस लाजाविक गी 2-0 कन्नै हराया। टीम लिक्विड दी अगुवाई करा-रदे कार्लसन पूरी टूर्नामेंट च कोई मैच नेई हारे। उत्थै गै अमरीका दे ग्रैंड मास्टर हिकारू नाकामुरा नै कैह दे तगमे लेई होए दे मुकाबले च अलीरेजा फिरोजजा गी 4-1 कन्नै हराइयै त्रीया थाहर हासल कीता।

<><><><><><>

Weather

मौसम विभाग नै अज्ज अरुणाचल प्रदेश, पच्छिम बंगाल, ओडिशा, उत्तर प्रदेश ते उत्तराखंड च मौलेधार बरखा दी भविक्खवाणी कीती ऐ। उत्थै गै पूर्वोत्तर भारत, छत्तीसगढ़, गुजरात, हिमाचल प्रदेश, जम्मू-कश्मीर, लद्दाख, गिलगित-बाल्टिस्तान, झारखंड, कोंकण ते गोवा, मध्य महाराष्ट्र ते मध्य प्रदेश दे किश हिस्से च दिनै तेज बरखा बरने दे इमकान दस्से गेदे न।

<><><><><><>